

香樹齋續集

PL  
2705  
I378A17  
1750  
v.12









香樹齋詩續集卷二十一

嘉興錢陳羣集齋

恭紀

恩遇詩十二首

謹序

臣既羅敘此次

南巡盛典得紀

恩詩三十首以

進呈

聖家受

恩深處淡體淪肌尤非筆墨所能殫述者今年春

遵

旨於常州境上迎







香樹齋詩續集卷二十一

嘉興錢陳羣集齋

恭紀

恩遇詩十二首

謹序

臣既羅敘此次

南巡盛典得紀

恩詩三十首以

進至

臣

舉家受

恩深處浹髓淪肌尤非筆墨所能殫述者今年春

遵

旨於常州境上跪迎



天顏霽悅

召見蘭舟恩禮有加卽隨至錫山

命

臣子

錢汝誠隨

臣

至嘉興歡聚數日

臣

先至

杭州

臣

子再留家中侍伊母數日體恤備

至不營家人父子

駕由海寧

視海後卽

幸杭州

臣

侍直

宮門屢蒙

召見賚予便蕃恩意稠疊晉階宮傳增食里俸幼



子臣汝器

特賜舉人長子汝誠於一月前

命充經筵講官旋又於京察本內

特予議敘雨露渥於全家禮數溢於儕輩至於屬

望親切嘉臣以頌不忘規

吟詠謙冲謂

臣

爲譽而或過私心自揣悚仄難安

讀

臣

尚書說命有云惟后非賢不乂惟賢

非后不食蓋言相需殷而相遇隆也今

臣

父子游列卿貳拜受

天祿食矣伏見



皇上功德隆盛衆正盈 廷永臻至治乂矣臣以

衰齡栖息林下愧無尺寸之補涓埃之報

而

龍光下濟弱草仰承言志陳詩不勝慚感云

艤舟亭外政成橋名邊

賜杖雙攜沈與錢千億萬人齊仰

聖霽顏先接地行仙

上賜詩有民數無央觀鑒路就中遙識地仙來之句

兒年母訓感商霖

臣年十一歲時臣母篝燈訓誥讀至尙書說命三篇輒涕下不

語母異焉跪而言兒願師之母曰汝立志堅定當遇恩主鑒汝也今年臣八十屢拜 賜詩有頌

不忘規白髮承之句



恩遇更深頌不忘規葵向在

九重特達鑒臣心

此身再造受

恩殊三命循牆尚步趨

天語頒來誰不羨

曰臣有杖不須扶

每行宮侍立上笑謂同直諸臣云看他賜杖且可不須回憶

十四年前忽遭沉痾上賜芝朮補救乃得再生

暮年宮秩忝頭班自笑身閒心未閒但矢涓埃酬

北闕敢云絲竹效東山

時拜宮傅之命

臣年二十作經師有子同官受



主知體恤衰齡精力減銀袍

特賜老生兒

一日召見行宮知汝課子及門弟子

上憐臣衰老諭口素嚴今年已八

十精力未必如前可賜汝幼子塞人一體應禮部試感泣至不能語

蒙

恩曾直講筵前

御論親承記昔年又見家兒初接武周情孔思要

深研

臣忝列經筵十載進講經書十餘次歸田十四年後昨臣子汝誠又拜斯命

平原書法掩功名臨仿幾餘集大成一卷告身真

墨寶捧來盈尺冠書城

拜賜御臨顏真卿自書告身

得見



天顏喜接連兒扶爲語受

恩偏同時扈從南來者多羨臣家樂事全

今古明良獻納同敢將簣土補山崇臣心一寸將

芹意激賞時形

天藻中

偶然擲管當箋疏跋識時經進拙書自愧詹詹同

蠡測

宸章猶說是過譽

天上鈞韶樂部新香山九老曲中陳傳宣錫宴開

行殿猶問耆英會裏人上於又二月十九日西湖行宮啓蹕十七日召見



命臣於十八日先行是日賜宴  
演香山九老有旨傳宣未與

怡逢

舜典巡方日又是

虞廷考績時勤職奉公臣子分酬庸

予敘到家兒

京察澄敘按例舉行昨見議敘一  
二品大臣名單臣子臣汝誠與焉

附  
和詩

尹繼善

數椽書屋傍湖邊明月清風不用錢  
歲歲添籌長不老更從何處覓神仙

皇仁疊沛勝甘霖大老尤蒙湛露深  
屢獻新詩爲奏草江湖廊廟有同心



引年禮數比人殊  
扈從曾陪共步趨  
最羨康強腰脚好  
登臨尙不藉人扶

青宮保傅列崇班  
增俸依然歲月閒  
逾格

恩施非意想頻頒

丹詔到家山

從來課子勝嚴師  
辛苦傳經荷

主知小鳳聲清齊  
老鳳殊榮次第遍  
佳兒

玉皇案吏憶從前  
許樂田園不計年  
雜興

詩篇三唱和白應搔首  
費鑽研

御製和香樹田園雜興詩有

問汝林居更底勞  
每逢賡韻首應搔句



文章海內久馳名愧我空疎學未成  
寶笈幾番勞接引新編手訂寄江城

華袞金盤

賜予連從知

帝澤總無偏道旁嘖嘖皆稱羨  
信是人生百福全

江鄉烟雨略相同却讓層樓望更崇  
欲問仙村何處是數行綠柳白雲中

湖光雲影映窗疏鶴髮吟唔日讀書  
白荷天章爲祝嘏庶幾百歲永終譽



紀述遭逢字字新關心民事更前陳誰知寄傲  
南窗者仍是先憂後樂人

拜辭

御舸歸來日依舊安閒無事時  
掬管添裁新樂府聲歌又遍里中兒

李壻允中自武昌來出其尊甫蒼崖觀察遺  
觶相餉紀之以詩

李生黃樓來手捧瑪瑙杯澹黃照琥珀淺碧明玻  
瓈呼奚斟美酒勸我進一卮舉杯發深訝忽忽記  
年時汝翁官豫章會我衡鑒持

予奉

命典豫章  
試事蒼崖觀察與



予共事凡兩次公餘公餘文字飲兩人同飲斯汝  
小飲輒出此爵行酒

翁故大戶八百猶自哈我年方六十不用花枝催  
別去二十年逝水如一揮翁騎黃樓鶴我坐白板  
扉夜夢有時見醒來雙淚垂持杯如故人左右勿  
相離每夜計三行矧敢多中之一杯受兩一三兩  
乃適宜倘行萬八千百歲以爲期  
予年政八十命酒今  
夕始蘸筆紀此詩

采芝山人汪亮餉兕觥賦謝

采芝山人名家女少日夢與麻姑語飲以玉紅千  
日酒更羸雙成爲伴侶覺來踰陳慈母前母曰母



悸尙愼廨仙家服食多延緣幸勿干犯仙人鞭我  
有兕觥里角製鐫出江梅寄高致夢中若更餉仙  
醪酌以兕觥永作佩山人藏此三十春物換星移  
手澤新今日稱觴爲我壽榴紅蒲綠杯在手我感  
其意笑而受薄言盛之置座右題詩紀歲辰在酉

題汪東柱明經滋蘭圖

藝蘭人已去展卷臭如蘭長日楓林下悠然得古  
歡浣風一徙倚坐石且盤桓想見移情處由來天  
地寬

清和過嘉樹軒留小飲卽席一首



偕隱訪初地山人是采芝眼明開阿醋節候放戎  
葵兕爵勞村酒楸枰試局棋薄遊有如此不醉欲  
何爲

寄懷楊佩之節相絕句三首

叱馭曾過渭水湄監州自昔駐西陲

雍正間予奉使關中節相

以監司駐西秦往來分誼稱厚

立年便裕經綸具韓范勲名信在

茲

關西清節有家風啓後承先望更崇

特簡歌鐘安衽席須教世世効公忠

漢唐邊事到於今



聖化涵濡深復深  
新舊提封皆萬里  
宣威播德相  
臣心

題黃節婦傳後

江夏孝童裔前身是後身  
事夫堅志節訓子備艱

辛

婦江夏黃氏女年十五歸葉贈公爲側室贈公卒於官婦挈三歲孤扶櫬歸今成立作令有聲

朝有旌揚典門看綽楔  
新賢明傳女史流播白沙濱

天中節前一日王生鎮之李生允中邀同守

陂郡丞憲賓太守泛舟南湖晚歸用昌黎山

石韻



南湖湖面風力微乳燕拂水相鳴飛薄遊進榜始  
此泛綠陰如潑菱芡肥苧村荷葉鋪萬葢呼童折  
花花尙稀農夫望雨如解渴故人話舊忘調飢相  
將攜手上古閣守僧爲我啓清扉俗書仰邀

天筆賞雲烟射牖光霏霏

樓中陳設拙書最夥皆  
數次經進御覽奉勅

藏弄

都籃茶具雜美酒機鋒軟語時成圍暑風輕

涼遞檻外臨流徙倚添生衣迴翔遠鳥各栖息閑  
放老驥遺韁轡如鉤新月掛高柳水響夜伴漁舟  
歸

昨聞望山節相以公事來吳門擬一棹奉訪



話舊言別適以他事未果仲夏十三日夜坐  
喜接來槭詞致勤懇是夕不寐依韻爲答

梁月今宵眼倍明况頒牋劄更多情人間到處尊  
霖雨天上由來重晚晴四紀論交如一日八旬話  
別見平生新篇策我殷勤意翦燭賡吟氣味清

膠漆須教四海知

用少陵詩意

衰齡常恐負良時表彰

慈範流風遠屬望家傳保世滋

昨以

御題先母夜紡受經圖乞詩

承製文一篇極揚挖之雅中

多敦勉愚父子語不勝感佩綸閣如絲資啓沃騷

壇一瓣在風詩故人海角勞清寐願拜雙魚慰我  
思



附原唱

尹繼善

每一相逢眼界明  
別來眠食總關情  
鶴棲喬木陰逾茂  
山帶斜陽晚更晴  
破格

殊恩榮大老

公今春蒙恩晉加官傳少稱觴  
子特賜舉人誠異數也

幾輩見門生  
於今又屆添籌日  
遙羨松窗杖履清

尚有登臨興  
可知曾誇腰脚似  
當時心親那慮  
湖山隔樹老均蒙

雨露滋到處  
閒雲爲舊侶  
幾人白髮寄新詩  
停舟遠望無他祝  
可許重來慰渴思



八十初度自題四律

詔許歸田十四年疎慵故態且依然按時晴雨分  
憂喜遣興謳吟當管絃丰格畫圖傳白傳耆英面  
目在凌烟老將至矣不知老猶作蠅頭日幾千

胷中一物不曾留勝水名山到便休體氣動關家

國瑞

神明不衰惟國之瑞  
加太傳恩諭中語

詩篇要與鬼神謀誨人

但覺身多過戀

主惟思恩未酬閉戶喜聞寬大詔餘生此外更何  
求

得意偏於卽事欣友朋持贈展拳勤文消殘債如



春草書湧奇姿似夏雲每以善忘遮儉腹敢將曾  
歷說多聞生平城府何能設不是薰蕕總不分

暮年托意在雲端生際唐虞尚素餐迂拙許身慚

稷契林泉擁祿愧鵷鸞遭逢要得詩書力溫飽寧

爲婦子歡願共兒孫瞻上理好憑時樂報平安

南海

異物志有時樂鳥鳴云  
太平天下有道則見

題李上林上舍小影

晚近忘年友吾交得李生襟期秋共爽心跡水同  
清從政行將試論詩似夙成予衰猶拭目遲爾遠

前程



題李漪亭臬使秋林小照

秋巖敞高棱木石含清淑  
蘿壁多白雲逸響激脩  
竹趣領有契虛意適信根  
夙延賞淩煙霞豈必遠  
案牘心懸冰鏡清氣凜蒼  
旻肅磊聞想襟期爽朗  
見遐矚公餘寄披吟家事  
富卷軸藝林望龍門方  
外交白足偶寫卽壑姿一  
豁看山目擇勝如是觀  
怡情卽林麓

題程氏逸園圖

當年扈從靈巖上曾式潭  
山孝子廬今日臥遊長  
卷裏一簾香雪一牀書



名園幽寄太湖濱  
變換雲煙朝暮新  
畢竟問誰當領畧  
能詩老健太平人

題南沙相公畫木芙蓉

東閣思賢日西清握管時  
粉勻呈笑靨墨澹露華滋  
逸韻騷經採秋風江上期  
何須感遲暮自有美人知

題孫丈小照

虞仲山邊客羲皇以上人  
有孫能養志錫誥早榮身  
芝徑煙霞接蘭陔草木珍  
何當重相訪共話太平春



題汪丈介思

客圖

邵子漁樵話陶公形影詩生逢

堯舜日共享太平時許斧尋山麓仙舟傍水湄山  
深回轉漫水濶得歸遲與我周旋久逢渠那便離  
行纏雙足具笊簪一竿支容我伴翁老山農兼釣  
師寬然隨俯仰百歲共相期

題恒上人逢渠圖

贈答陶公亦異哉顰乖騰化漫相猜閑行一衲無  
心會參破詩家公案來

偶然獨往自如如與我周旋定不虛月下水邊風



動處問渠若箇是真渠

壽王西畦八十

漢廷卿相佩瓊琚名重王生結襪初知己文章交  
兩世懷人風雪寄雙魚消閒自種陶潛菊遣興時  
繙大令書他日壽民容作伴恒山山下遲安車

隨園圖

雲水忘年友林亭不速來罷彈通化理忘餌絕驚  
猜仙散遲賢路家浮共酒杯太邱多世德吉甫盛  
門才南極一星見園扉兩版開錢孫爲載筆五緯  
應三台



竹墩沈生兼山承其祖父命來問起居兼乞  
予授作書筆法留信宿辭去示之以詩用鎮  
之王壻椒岳從孫韻二首

時彥吳興盛就中沈氏多老夫忝世好之子數來  
過文望歸三筆詩名壓小坡自慚王內史書法換  
羣鷺

寒齋三日雪心跡付村醅何意茗川子居然一棹  
來芙蓉秋士怨荷芰美人媒剪燭談深處燈花暖  
欲開

題朱南湖觀察看山課子圖



廿年宦跡對孱顏遮眼官文那得閑吉甫贈言原

有意須知課子卽看山

尹官保入相時南湖令子名慧昌官保所命也年八

歲頗見頭角予奉

旨賜遊棲霞與兒子汝誠

會於江寧公廨南湖令

慧昌入侍取架上畫冊畫

繪古人故實四十頁慧昌按圖解釋無不了了座

客大奇之時尹官保入相慧昌送別謂曰昔命汝

名今日還命汝字字之曰似

山蓋深器之以己字望山也

要從欽恤奏平反

聖治需才重臬藩我老題詩學張老朱門高大似

于門

昨宵話別挂輕帆又寄雙魚索報械說與似山賢  
小友明當扶我上靈巖



題姚丈獨寐圖次尹望山節相韻

寐寤獨可貞泉石抱初矢求友得澹人卜居遠喧  
市豈無弓旌賁肯以彼易此予憶扈從南曾訪梅

花里

辛未春予扈從南來館舍與先生清齋隣並退食時每一過從

一瞥十五年

眼中人老矣翁本積善門坦坦道自履我昔慕以  
人程才及令子參藩好聲名興歌傳樂只子舍起  
南州承翁色笑喜香爐茗椀間插架富經史薰德  
交公卿

節相望山滋圃大司寇階平少宰俱有題詩

念舊隔烟水披圖

揖故人屈指別曾幾梅雨夜浪浪假寐來夢裏題  
詩溯夙昔穆然懷彼美我老寡所酬心靜水之止



近來學坐忘庶乎求形似三復碩人篇嗒焉漫相擬

餞秋

并序

春秋佳日各九十送春作詩古今人爭妍  
競秀義復詞重獨無餞秋之作因題一首  
秋士翻嫌秋去遲感予白髮一題詩聲依孤雁斜  
陽外淚灑哀蟬落葉時把酒放懷惟盡致登樓遠  
望復何疑尚留難老秋容在獨向霜前吐異姿

題舍弟界所遺畫幅

宦蹟多傳風俗龐公餘遊戲試秋窗白楊花草元



章木半在秦關半楚江

賦得門鵲晨光起

此少陵客夔州宿西閣曉呈元二十一曹  
長詩中句也偶拈此課諸生擬省試體六  
韻諸生以題義難解爲苦請予先之予亦  
不能成六韻也僅以五律塞責爲之一笑  
寒江初雨歇霽色上朝暾侵曉披衣起消閒把卷  
翻鵲栖如戀閣客意獨當門却寄懷人句相思戎  
馬存

賦得經訓乃菑畬

限經字



有獲宜從古菑畬在六經昌明原履坦邃密務搜  
冥要識學先耨方知仁可型朝鋤曾挂犢夜讀或  
囊螢孔壁傳絲竹

堯章煥日星他年期待聘珥筆侍

彤廷

年家女王汝琬予同門友樓山中丞女字泰  
和令廣安鄭進士慘能詩能相其夫以循績  
聞友于兄弟且能誦老夫詩前後集計四十  
卷凡三千首悉爲研朱點勘置棐几間其弟  
汝璧子壻也時將赴南宮試訪其姊於泰和



官署詩以送之兼寄鄭明府夫婦讀之知中  
丞公身後汝璧兄弟奉母來浙十年中棲止  
予宅同甘澹泊學業日進相與有成中丞有  
知當亦默鑒云

面有未相識情應分早親芳閨重先友四海更何  
人幼弟來孤露尊慈善守貧讀分東壁火組賃後  
街紉疏俸惟推解韓金備炭薪敢云仁者粟爲展  
故人勤琬琰趨

皇路風雲觀國賓

子節倅入爲王壻洎其兄汝嘉以例貢於太學是年汝璧魁京

兆榜汝嘉被薦未售

鵬飛猶暫息荆璞會同珍骨肉依原切



葭莩附可因大家班氏最荀令蜀中循吏局資賢  
助交遊定有神衰齡聊賦舊後起發硎新剪燭官  
齋夜音遺琴水濱

風蘭

毘陵族孫女

進士

之妻幼能詩所著有浣青集曾賦此題請子和其

韻

尋芳瞥見素心人出世丰姿空谷身舉手高攀成  
小摘閑情作佩悟前因根連空際多離土香灑風  
前自絕塵多分前身是朱草題詩欲一問湘神

冬泛

寒色射朝暉循壕出郭門塢清雪後影水縮凍餘



痕屢涉街坊熟經時故舊存吾衰猶自喜但覺

賜裘溫

峻菴大中丞以會讞來禾公餘過訪喜贈二

首

東巡扈從憶當年馬上相逢揖大賢喜共談諧隨  
豹尾早占位望識鳶肩論交鄭重金聲比載道勲  
名竹帛傳歲晏公餘來話舊真如雪夜子猷船

江南開府髮如漆硯北尚書髻似霜

用漁洋贈綿  
津山人詩意

昔贈雙魚勞遠使今移專節近吾鄉與論治道扶  
根本更挹名言見老蒼他日探梅乘興去好携



賜杖訪滄浪

御製貫休丁觀鵬先後所畫十六羅漢像讚

恭識

貫休丁觀鵬先後所畫十六羅漢俱得

御贊臣陳羣敬謹繕錄合十恭繹而識曰惟阿羅

漢繇佛而成辟支其行聲聞其名初參自了終得

上乘同來震旦曰八百衆

諸仍切

天台石梁錫履周

旋

松倫切

宗風既遠執像圖形問誰善繪立本道元

叶僧繇

楞伽蹟著金庭孰臻神妙得得來僧

貫休一號

得得來

龍湫晏坐雁蕩經行

天台有晏坐峯經行峽見休畫羅漢諾詎羅贊

其他流行蘭若光騰

聖人御宇寶樹長榮五百尊者現

萬壽山

疏簪切

行住坐卧變幻縱橫視錢塘者色相

崢嶸

天章作記燦若日星

漢堂記臣曾敬繕恭贊御製萬壽山五百羅

爰

稽諸典法住梵經國師玉局並采傳真各標法號  
名位以正載徵秘府古墨充籙月禪老衲磅礴斯

憑觀鵬奉

勅稽首摹臨各詮其義轉茲寶輪一

贊再贊驚嶺風清園成歡喜鳥聽迦陵矧臣鈍拙

功德難銘願告學子遍護華靈永延繁祉廣被仁

風

間承切



春帖子詞

紫陌春光早

璇宮愛日長

一人隆

色養萬彙慶繁昌

三白年前告瑞霽玉衡曉正泰階平歲逢丙是文

昌兆又卜春城桃李榮

壽紋香篆靄祥烟海宴河清瑞應駢

聖德醍醐民物阜五風十雨釀豐年

次答從孫籀石學士寄懷之作

驛使馳來有報章開當雪後見春光上陳和霽

君恩重下溯綿延祖澤長

新命大江傳繼美舊題高閣憶重陽

江南上屆兩科皆誠兒主

試今釋石又繼

新命丁卯予典豫章試釋石以諸生從遊九日同上滕王閣檜門心餘皆在卽席

詩賦懷人多在柯亭際有夢還應到玉堂

自笑長溪一退翁全家猶眷

睿情中葵傾暄負衰齡願問俗陳詩盛代風觀我

寢興無間隔泰交上下本流通

時蒙子汝誠恩命准兒誠歸來侍養

狀予五十年來事一語真堪比化工

來詩有萬端常在

句寫予自筮仕以及懸車以來日夜悚惕無一念自懈情狀殊悉



附原詩

時銜命典試江南行至彭城郡郵亭所寄

從孫載

汗漫曾隨使豫章皇華今幸也秋光卅三驛過

思公切十九年來望我長小館卸衣仍雨後明

朝分路向滁陽

自第一程固節驛至此皆丁卯隨公江西之路明日西則江西

南則江南矣里居晉秩

君恩重賢子新歸築養堂

賜杖圖形八十翁萬端常在一心中若論上世

多陰德何以諸郎有父風老柳枝邊班馬戀清

淮口處鯉魚通此行已待祈江濱培覆真難答

化工

康熙辛酉吾鄉朱檢討典試江南誓於江神而渡載齋三日渡江祈禱於江神願益

心智則神罔不鑒之

大兒汝誠構宅雙溪之西溪產嘉魚偶得一

尾奉予味甚鮮美因題一絕句

雙溪橋外碧粼粼子舍新開傍水濱尺半嘉魚迎  
溜上天教付與臥冰人

社日觀種盆荷

夢中過太液玉井忽翻身爲讀愛蓮說先呼擔水  
人出淤蛇起蟄應社燕來賓濁垢何能秘清空自  
拔塵要培君子德留與老夫親數日風光好連錢



點白蘋

和熊滌齋前輩再宴瓊林原韻

珠宮蕊榜慶重新南極遙瞻見老人酒潤酡顏增  
寵渥花扶白髮倍精神三朝國老尊前輩兩浙  
封疆芑後塵天賜恩光歌湛露上公主席一家春  
笑予結習尙留傳眼熱看花六十年選佛却逢天  
誕佛衆仙同拜地行仙冠簪門第清逾顯松柏丰  
姿老更妍盛事好憑彤管述他時經進續新篇

題許默齋太守連枝圖

春草池塘有夢通永懷情緒托虛空今朝圖畫看

相對如入楊家帷幔中

曾繪桐陰共讀書當年季也亦嗟予

十年前舍弟界沒於施南

府丞任予作桐陰讀書圖記兒時事以志相憶

凡今宜莫如兄弟似爾凡

今更莫如

至行瑯琊晉代賢卷中真意亦堪傳若教泉下生

還日一帳相依十九年

用王脩事

新秋喜得問亭宮保手牋率賦二首卽用次

文安縣懷家兒汝誠詩韻

安車駟馬各分飛長路勞君遣送歸

辛巳予以祝釐留

京師與宮保同直宮門旣而辭歸宮保亦還保陽塗次復遣弁送予至山左界

老去沉



吟猶未改昔時豪邁已全非月當裊露姿逾潔菊  
爲經霜色更肥回憶過從留子舍暖爐炙酒簇成

圍

宮保訪予子舍  
留飲是日寒甚

雲裏征鴻直北飛今朝片羽喜南歸新詩却寄因  
懷舊宵夢相逢未盡非松茂由來知柏悅民勞那  
忍計身肥尚留老眼惟延佇共見昇平詠帶圍

題嵇留山先生抱犢圖

先生少隱支硎山清骨欲到蓬萊班曾求甯戚相  
牛術抱犢絕似山農閒經兼耒耜笛椽竹誰歟侍  
者來雙鬟儒生應聘走閩嶠勒馬一問熊羆關虎

鈴玉帳抗賓主秘論不作陰符看軍烽夜紫落星  
赤奮臂獨出雕弧彎膝行帳下豈男子面唾幕上  
麾高官事異溫序失歸路節同袁掾空撫棺先生  
忠義如皎日

國典褒錫垂凌烟韋平相業表世德生祥下瑞何  
綿延羣昔乞假返長水曾侍壽母沙棠船召羣侍  
坐述往事慷慨覩縷發長歎言已且曰慎勿忘他

日史筆看爛編

雍正間羣任編修乞假歸時相國文敏公任河帥太夫人從中州官

署回錫山同泊河干羣侍母過舟中太夫人命侍坐與言先生盡節顛末及太夫人訓子成立苦節羣母聞之淚下太夫人謂羣曰子在翰林有文名其爲我記而傳之無何假滿承纂昭忠祠列傳羣



名與焉

卽今彈指五十載携圖訪我來文孫見面促

迫索詩句再拜一覩冰雪顏此圖藏弃却晚出圖

中作者皆耆賢世人但賞仙人服安知正氣不可

攀身騎箕尾歸碧落此致千古留人寰中丞一詩

成不朽

圖中有范忠貞公手題詩

羣也三復俛首無間然

饒霽南年友假還南州過予里居出示張鏡

壑閣學所畫秋山策蹇小照陳句山銀臺爲

題四絕句卽用韻以贈

還鄉得假似山遊霜雁南飛正晚秋猶記大羅天

上事非烟親見殿東頭

用韓魏公事霽南以殿試第二人及第

新詩一卷訂南征風飽蒲帆五兩輕我老端居憐

舊雨今朝見爾昨茗生

霽南與蔣編修茗生皆予  
丁卯所得士茗生前兩日

從戴山  
來訪

生計無多一罍空文章聲價在仙蓬期君早致青  
雲上莫效衰齡畎畝忠

兩度昔看廬阜面廿年前是宰官身舊遊如夢何  
時續五老能無憶故人

九月十二夜月

今夜深秋月華滋似可捫清光流雁背寒色上和

門

時自  
木蘭回熱河

豈止共千里因之寄一言悠然



成獨立徙倚到黃昏

再詠湯婆子

香泉爲爾浣輕塵包裹麤完總率真  
專席且休嫌自薦得人不暖況無人

香樹齋續集卷二十二

嘉興錢陳羣集齋

恭和

御製賜題畫冊

計十幅

鷗波而後推能事藝苑新添偕隱人廿八驪珠傳

朶殿修篁古木倍精神

右古木修篁

老沾

天祿作晨飧至味難忘是菜根

詔許學耕還學圃蔔頭生子芥生孫

蘆菰生兒芥有孫蘇軾句

右蔔芥



好鳥依林擇好枝清和景物日遲遲

天題御墨親標後晉帖風流正在斯

王羲之有青李來禽帖

右仙果仙禽

御園清暑每分甘盧橘楊梅味共參記得當年曾

拜 賜擎來奉母亦三三

右夏果

團團小犬尾娑娑安堵人家熟睡多

天藻卽圖還指示職司防禦意如何

右卧卷

蜨翅花鬚各鬥奇化工在手一絲絲傳神阿堵

天題濕鑒徹調脂配粉時

右墨蜨荷包牡丹

古石玲瓏古木森翛然共託歲寒心

幾餘一賞孤高格忘象忘言自在吟

右怪石古柏

西湖蓴菜五湖蝦水暖風輕聚落花憶得蘭橈移

翠罕蘋洲柳汧狺清華

右春水魚蝦

南樓樓外一株孤蓓蕾迎春百琲珠幸拜

萬年天子筆得酬六十五年逋

臣母自號南樓老人所居樓下有老

梅一本每對梅作畫臣時初學吟詩未敢遽成題

詠今恭和御題憶六十五年前事隱隱在目

右月明香雪

萬紫千紅百寶裝一枝綠萼領羣芳臣心永矢留

清白世守

天家翰墨香

右筠籃衆卉



武林城東南宋德壽宮址有梅石一碑歲久漫漶相傳爲藍瑛所作

上四幸杭州重過其地拂拭斷碑始識梅乃孫欽所作藍瑛所畫石也

幾暇蘸筆撫之題長律一首并跋記以正其訛勒

石工竣蒙

恩頒賜敬和元韻

御臨梅石拜新碑氣壓顛翁與補之天趣特開生面好化工真見出藍爲玲瓏自得雲根勢妥帖能留玉疊姿賡韻詩成呈

黼座恰逢歲晏萼敷時

恭和

御製元韻

四十首

恭奉

皇太后秋巡啓蹕之作

南天翹首望

龍車瑞靄遙連芝蓋如又見順時修彌政羣瞻省  
斂奉

珮輿秋容淦淦呈紛郁羽衛穆穆肅雅魚隴外風  
和田峻喜



皇情寄暢一欣予

卽事示直隸總督方觀承及屬吏

輕塵

蹕路裒晴韃大吏親承

帝曰咨旬服屏藩尊首善四方則效致柔綏試看  
車滿還篝滿好祝千斯與萬斯莫道

堯民知識少飲和食德豈忘之

出古北口

北門山色碧嶙峋繩

武年年

翠罕巡雨露近畿先被澤就中父老更情親  
螭螭左折見雲封十館更番列幾重曉色雄關開  
詖蕩遠山出沐露秋容

水似羊腸盤一線山如馬耳露雙尖人家但享昇  
平樂擊壤歌聲亦靜恬  
驍騰馬力遠奚辭計里

皇程試柳絲更上南天門一望九垓我闔太平時  
聞京師得雨誌懷

清畿雨及時土膏已含渥濕雲停不流遠山淨如  
濯藉以利耕耘豈惟滌煩熯五事應休徵曰肅時



雨若

皇誠感

蒼穹惠此天漿酌飛章達

行在尺寸記詳略霖霖灑高原汪濊下犂塉行看  
雨脚飛一夕遍幽朔

九重悉民依膏澤布村落願繪幽風圖額慶同民  
樂

灤陽別墅

灤河秋水淺

行館碧雲深庭葉未辭樹幽香時出林烟嵐閒秀

色好鳥送清音

睿賞悠然遇登臨記昔吟

至避暑山莊卽事得句

門開麗正午初晴陪扈名藩早肅迎辨物却欣徵

地志

時諸臣方修纂山莊新志

觀民有喜暢

天情鐫峯挹爽千尋拔濡水澄秋幾曲盈清越豫

瞻松鶴勝

松鶴齋上奉皇太后起居處也

欽承

愛日一心誠

永佑寺瞻禮

神御紀事



煌煌

廟貌日星垂瞻拜年年展

孝思

祖澤綿延光奕禩春臺遠近洽重熙恪誠禮浹膺  
鴻祉對越神凝述燕貽萬壑松風承

眷處當年隆遇正於斯

有真意軒

初秋發微涼小坐得幽憩靜賞滌塵襟佳境忍輕  
忽登陟未云勞輿隸何曾弊松風無停吹巖花有  
餘致娛目縱無多悅心此焉備仰看天宇澄遙山

開晚霽卽景多所欣悠然領生意

晚晴

漠漠平林初過雨遙空夕靄望中寬  
好山烟嵐螺紋淨素月光流雁背寒  
四面雲屏開畫障一泓鏡水蹙洄瀾

睿情卽目成佳賞早慶承

歡迓

玉鑾

出麗正門恭迎

皇太后



安輿傳夙駕蒞止路非遙喜迓

慈雲仗歡看積潦消

前一夕晚  
色晴霽

鈎鈐時應瑞玉燭

氣常調蕩蕩民風樸無能頌

帝堯

金蓮花

水芝生陸海不用采湖堧延蔓移烟塞繁花綴錦  
川金衣還瑟瑟翠葉亦田田可是圖澄呪開同鉢  
底蓮

泛月一律

澄波玩月初一棹轉林於皎潔光纔瀉伊鴉韻更

徐閒雲移晚岫涼露湛秋藻萬籟此時靜  
宸襟白灑如

對瀑

天懷原自得對瀑發局吟雪浪峯腰下天漿雲外  
斟琮琤如擊筑汨瀾擬敲金迸石飛珠散冷然太  
古音

題紀

恩堂

永懷四紀夙承

恩風景何殊在



御園此日經營惟念

祖當年締造早貽

孫窗中鏡入千巖秀檐際松猶萬壑翻

避暑山莊三十六景

一日萬壑松風

聖祖賜上讀書處也

睿文昭日月光前裕後煥

皇言

圓明園後記上初登極時所製近製紀恩堂記臣俱得拜讀仰見皇上孝思不匱

慎修思永至意

澹軒

寥空淡靄澄

靈沼秋陰積一勺滴露盤沆瀣流瓊液鞠通依古

琴蟾蜍潤元璧臨水風襲襟坐月雲生席延賞足  
清娛悠然於此適

山田

時雨足山田乃副農人望塞民笑指困歡喜不可  
狀回憶渴雨時頰背愁炎亢今茲膏澍流省斂  
皇情暢

溫霽慰山農煦嫗及丁壯遙看阡陌間旆旆輕風  
颺大有匪自今慶賜毋不當

詔下屢蠲租又見十千償預爲來歲謀農事毋間  
放



荷二首

社日荷花七月開

社日種荷見羣芳譜南方五六月盛開今七月下澣塞外猶見

此花雖南京北熱風氣偶移亦敖漢所得種較厚實耳雲衣六幅對風裁塞

垣景物秋還暖十里香隨

翠輦來

月白風清不染塵要將淡泊證前因亭亭丰格

幾餘賞水際瓶中都可人

食蔗居

登頓入漸深蜿蜒勢未止裕裕窈而曲盤折得其  
美會心匪在遙濟勝良有以巖居景淡如所欣在

是矣蔗境末逾佳

璇題意取此清賞味轉濃怡情一莞爾

塞垣

塞垣天塹結山阿淳樸

堯民被澤多空外晴嵐開嶺樹望中秋影動星河  
草肥烟動黃羊下沙淨霜明素雁過父老年年歌  
帝力得安耕鑿樂如何

山雲

旣雨何妨且放晴

天公却體塞農情試看山上垂雲處笑指山腰雨



脚生

千尺雪三首

紫烟疑在香爐外  
白雪微噴石壁間  
沫濺如珠吹不斷  
飛泉深護一房山

趙宦光後名相藉區別  
誰能辨孰優何巨四圖皆仰讀

璇題一一記從頭

吳中西苑田盤熱河皆有之各爲之圖合貯一函

之以便觀覽

酌泉烹雪味逾美  
編篋爲爐製亦閑

宸藻年年成卽事  
幾餘於此作清閒

梅檀林八詠

風

香聞薝蔔散鴻鈞花雨霏微結淨因韻入松間調  
法曲碧幢飄處亦宜人

雲

一片霞光貯佛樓晴看飄飄望中浮未來過去皆  
如此輪轉無心自在遊

月

半泓止水自淵渟寶相還呈色外形香水無邊常  
具足大圓覺鏡妙華經



松

摩雲倚石陰連幕香國香風浩浩吹松火夜深然  
法炬青青如葢月明時

楓

照來山壁未成丹寫出霜林有孟端待得秋深紅  
葉滿曼陀散處說般般

花

山花隨意鬥烟鬟冷碧嬌紅掩映間爛漫不因天  
女散雲芝五色燦商顏

鹿

養茸深嶺或潛藏濯濯秋林露錦章沙澗草香初  
過處伊尼頰首禮空王

蛩

苔階石砌凝秋氣唧唧微吟度晚風到處盡沾禪

力廣漫空法雨被昆蟲

聖教序澤及昆蟲  
金匱流楚說之偈

網魚

皇仁大汪涵什伯於子美

左傳襄公二十五年子  
美入數俘而入杜預曰

子美子  
產也

事類祝網慈不作臨淵喜塞湖魚樂國游

泳夙忘水取之以陶情漁人落手裏從人觀朶頤  
饞涎動食指萬物皆求生



見彼卽念彼於彼且數數而何況於此

上仁旣同天智復如

神獵不掩羣圍必從搏罷漁放鹿具見於南苑木蘭吳之石湖浙之西湖御製詩內

固惠人或未覩政理

待鹿

無心待鹿鹿自來鹿之來兮山之隈瑤光之精續

紛散亦如天馬行空徠

文囿由來釣遊地芙蓉屏列峯嵐翠日出而去暮

還歸豐草長林惟適意飲溪食苹跂而走不待牧

人鞭其後或騰或倚或攸伏物其多矣無不有呦

呦濯濯樂維何煦育

祖澤留天和騶虞應瑞百昌萃遙看五色雲如鵝

八月朔日作

漸近中秋節行看斗柄更薄霜初被徑早桂已敷  
榮天淨雲低砑檐虛樹有聲

睿懷民莫重還爲酌陰晴

意行

意行欸欸送輕輿迎面烟巒錦不如澹澹秋容無  
定相粼粼遠水自生虛穿雲閒過投林鳥躍藻輕  
翻掉尾魚俯仰

天機皆自得藤蘿遶徑不須除



山卉

山卉繽紛各吐芳  
斜陽影對蜨衣黃  
乍開沾雨微  
微濕小摘薰人冉冉香  
染出斑斕真碎錦  
結成甘

苦自生薺

杜甫詩雨露之所濡甘苦齊結實

天家沛澤多霑被  
小草欣欣藉露瀼

敬業堂山躑躅盛開  
主人招飲花下詩以紀之  
有序

朱丈多青先生與先嚴爲莫逆交康熙

庚辰予年十五讀書邏村舊居先王父

時八十餘以老乞歸率予來郡應試先生

邀予隨祖父飲於敬業堂中指盆中山躑躅曰此予手植樹也令子觀成亦在座觀成長予十歲吾祖謂先生曰主人盛德綽有家法令子能文謹飭吾孫僻處鄉曲倘入城當業術資益可乎先生曰敬奉教予與觀成先後補博士弟子爲同硯友後予奉母太夫人官京師雍正三年秋乞假侍母歸卜居郡城明年四月假滿還朝觀成約予花下取別是年花特盛酒酣因憶兩人侍飲花前忽忽如昨各泣



然涕下觀成命其長子世綸次子冲之出  
紙筆請予作古風以識詩載予香樹齋詩  
初集中乾隆十七年壬申予以疾假歸訪  
世綸父子則知令子經畬取予從孫蘅石  
學士妹爲吾家壻也相見後卽問山躑躅  
好在否則對曰花本無恙今春發花非復  
題詩時爛熳耳三十年秋予子汝誠蒙

恩許歸侍養構子舍數椽於角里坊敬業堂東壁  
通燈火四月下浣世綸世講有茸城之遊  
經畬夫婦邀予父子祖孫集花前置酒和

餉經畚子若弟予再從孫及予曾孫鶴壽  
甫四歲亦攜至花下再從孫球世錫皆能  
詩請予作詩以紀斯會酒半予奉一卮酌  
花神曰七十年中前後敘予家六世人亦  
佳話也卽席得七律一首

當年奉杖侍華軒今日扶筇又到門  
花似客心紅未洗酒如人面醉  
猶溫交情孔李成行輩親串朱  
陳本一村多謝君家閑草木見予六世笑言言

附  
同作

男汝誠

卜鄰恰喜並常豐

予與經畚所居坊名

燈火花枝相映紅



笑與山榴初識面  
孫枝都見出新叢  
予束髮時即聞敬業

堂山榴花時特盛昨歸侍養卜居鄰並陪侍家嚴始得有此良會蓋與此花神契四十年矣

花固新枝繼長予已抱孫日月如馳不禁對花一笑云

趨庭指點說兒時  
今夕歡同杖履隨  
家嚴每以暇日爲

誠輩說兒時應童子試日趨陪過此觴咏良樂今誠又得侍杖履相繼追歡亦梓里佳話也

曾是高曾遺手澤  
能無淚灑角弓詩

萬株火齊萬玫瑰  
一朶花宜飲一杯  
花影在杯

杯在手主人愛  
客客頻來

只疑頃刻有花神  
殷七催開未是真  
何似青松

成契合  
庭前盡植松枝亦百年物也  
相看好在百年身

爛然跗萼燦星光艷說荀陳聚一堂

座惟兩姓無他客也

更祝此花長供養雲仍兩姓願毋忘

題第五叔望遠圖用東坡烟江疊嶂圖韻

是非齊山或楚山巉巉萬點凌蒼烟若非洪厓定  
若士紺瞳紅頰頭童然迢然長嘯最高頂松風耳  
後鳴飛泉看山蚤歲過大別雙鳬往復留晴川又  
渡桑乾登涿鹿青霞標插崇臺前九仙雲外忽招  
去華不注上花連天

自此以上皆  
吾叔宦遊處

雪泥鴻爪有定

分山人落拓山清妍好山信美卽吾土何必石室  
開瓊田歸來卧遊堪指數翻身一笑三十年兒孫



羅列盡玉峙修眉天際何連娟意行得意入靈輿  
絕勝杖撞玉版承顏眠岡巒倏閃颺颺雜腰脚健  
處扳飛仙記曾松下圖道服臣叔早結癡人緣曾屬  
題松下道服圖今四十餘年矣今日重題面目猶未換蘸筆爲補  
喬松篇

歎逝

行年八十一老淚不可止林葉驚商飈失偶方作  
誄兒女及孫曾啼哭繞吾耳淒淒兩月來忽遘孤  
兒委仲冬望後姪汝鼎棄世去予失偶甫兩閱月哀哉此孤兒亡弟所  
遺子撫之襁褓中訓育逾四紀婚宦及室廬草草

爲之理有兒能讀書鉛槧鈔

國史

汝鼎子濬諸生國史館

鈔書効力方冀升斗糈庶以奉甘旨誰知孤兒後鮮民

又見此急足寄言去切戒勿過毀昨夜朔風寒兩

媳奔歸里一從衛邑來一從朔方抵

四兒汝隨官臯蘭五兒汝

豐官儀封以交代未楚遣其婦先歸喪次痛哭總帷前我淚何能已哭

已雞旣鳴打門訃女弟同懷我四人兩弟物化矣

弟峯卽汝鼎父弟界歿於施南郡佐任已十年矣

有妹嫁曲陽良人作吏

死妹適蜀南部令馮巨欽爲政有聲卒于官癡孤捉襟貧閉戶倚所恃

五女死過半長女嫠而在

叶母病六七年朝夕侍

床第藥物必親嘗厠踰必親視我每放棹過對我



必垂涕握手爲我言曰妹惟兄倚仲兄早卽世孤  
姪不失所叶先人所留遺成就兄一手叶况荷嫂

氏賢撫姪如老姊如何百日内死別各遷徙吾衰  
行則跛吾弱食僅匕惟手一卷書自送年華駛奈

予風燭餘重叠葑功累去者反其眞存者伊何底

吾墓木未拱兒輩營方始

時大兒汝誠率七兒汝器相地營葬其母並營

壽域重泉有會時計歲屈幾指

題張丞駕湖載酒圖

飛來鳬舄水雲鄉衣帶蘭蓀信有芳南望衡陽四  
千里畫中烟雨似瀟湘

玉尺當年訪楚材，廩雲一朵一浮杯。與君往復論

賓主也到吾家別墅來。

雍正間予曾奉差典楚南賦事，今君以縣佐來嘉

禾烟雨樓爲吾家先人別墅。

### 題章節母沈夫人小影

淑慎尚書女，辛勤事事俱。奉姑還侍母，守志爲存孤。行合賢明傳，人欽節孝圖。伏經經口授，家學重三吳。

### 小除夜贈馮丈蔚文

吾衰寡儔侶，今喜識馮翁。子舍琴樽在林栖，心跡同政傳三異。遠薦達五雲中。

時令子大令檐鵲分初膺循卓。



明報寒燈綴玉蟲

春正十日泛舟對月作

薄遊春始泛幽意此消磨  
烟色浮春樹燈詞入棹  
歌星稀連野濶水緩帶風和靜裏看遲暮年華自  
覺多

寄謝同年盧雅雨都轉所惠羅酒

有約終能踐無功自號鄉味如君子淡情與故人  
長此惠曾三接裁詩報一章扶衰重相寄莫笑次  
公狂

正月廿五日爲先室八十誕辰兒女輩延道

士諷經設供愴然有作

穉穉行樂地清淨設齋壇案失齊眉舉杯將淚眼  
看自憐同鶴瘦只合共梅寒老去能無感眞成智  
井瀾

仲春三日同人集樂順堂小飲分韻得壽字  
病裏換年華對鏡日增醜入春浹旬來寂坐未啓  
牖今朝風漸和拄杖循檐走親知五六人過從互  
先後亘時喜接言一杯盈在手觀物領新知標趣  
愜衆叩所得幸無違卽此亦非偶珍重在良時各  
各葆曼壽



花朝夜小集樂順堂詠盆中花木二首

槌几勞相對春寒小  
勒時萬花多未放爲爾却開  
遲瘦骨憐燈影幽香到酒卮  
題詩一遊戲空谷有誰知

右盆中梅花

燈前閑草木名已近蘭膏

一名南天燭

有客偷紅豆何

人得繡袍火珠空自秘檐雀更何勞  
愛爾無多子

經冬耐雪饗

右盆中天竺

香樹齋詩續集卷二十三

嘉興錢陳羣集齋

題倪母趙孺人遺像

往交符

幼魯農部

鄭

筠谷前輩

輩座中揖二林

意林谷林

兄弟好

詩筆宰府徵紀謚鄉評推所自爲得母教深母朱  
名家女女範夙所諳明師與嚴父慈母實所兼騷  
壇延清譽以雅而以南曾邀公瑾拜轉瞬年歲侵  
別來踰四紀踪跡半浮湛我病歸故里高臥如眠  
蠶舊遊感逝水有夢無由尋符鄭不可作二林已  
就淹昔時畱賓地池館空鳴禽流傳來行卷玉軸



古錦函展圖對靜女丰格林下襟翦燭讀諸傳羣  
季表女箴端莊與淑孝禮宗爲世欽早漸大母訓  
南國嗣徽音芳蘭易凋謝琴韻遺悵悵吾憐潘騎  
省誅成淚難任惟將長夜眼一報平生心

題王中丞督運圖

大中丞樓山王君任江南大叅時作督運  
圖先是沈敬亭光祿初罷郡符館於樓山  
官舍亦附入圖中兩君皆予同年友年長  
於予先後歸道山樓山令嗣汝嘉汝璧出  
圖請題卽紀二絕句

席挂千艘面面開  
令脾魚貫使君才  
臣家萬里源頭水  
親送神倉轉漕來

把卷清閑王給事  
圍碁瀟灑沈休文  
殷兄張丈今何在  
搔首題詩憶暮雲

恭和

御製津水早春詞  
用錢陳羣韻並寄去  
命和之

南湖湖畔荷蓋翻  
黃梅作去聲雨添蒸煩  
忽驚

天章五雲下來自  
畿近之行軒春巡  
觀河駐春淀恩光  
蕩養浮春溫衢歌  
巷舞迎戶戶漁腔  
水調來村村臣  
本此邦流寓客  
能勿依戀飛清魂  
木門柳



色澹於水淺深猶記春沾痕江南冀北水襟帶春  
冰澌處通潺湲他年倘再列扈從識途老馬嘶平  
原

臣既奉勅恭和復敬製七古四韻詩一首

以紀斯遇

有序

臣陳羣於康熙間下第後曾流寓津門所  
作津水早春詞狀此邦風物殷庶以歌詠  
昇平詩載香樹齋前集中閱今五十餘年  
矣茲當春巡駐蹕

上偶翻閱拙集遂和津水早春詞一章念及臣微

賤時事恭繹

元音眷舊禮隆憐才恩重雖古明良一德未有

方斯盛者臣草木餘生遭逢異數慚悚感激莫能自喻云

殷宗躬到版築間漢祖來過圯橋路一爲列宿在雲中一從赤松遠遊去那得如臣草野吟

萬年天子親題句嘉哉此事古未逢畱與詞臣傳藝圃

恭和

御製巡幸天津各體詩元韻



仲春啟蹕巡幸天津府閱河務卽事得句

少海清瀾狀更旋春冰漸處自通船乘時

親視三津水布令周巡二月天政首觀風耕可省  
典隆解澤賦先蠲

天心要慰

堯民望

康熙間御極以來

聖祖幸天津數次

堯民望幸久殷

上鑒其惻

忱此次觀海巡河

紫陌輕塵上細旂

過蘆溝橋

風傳明庶信巡典及春期河束建瓴勢橋過警蹕  
時八垓皆會極衆水自循涯王政通溝洫能無盡

力爲

良鄉行宮晚坐

巡典首塗由赤縣初程駐蹕又於斯門前繡壤平  
康路壁上星文蒼老詩行館

幾餘無限意春齋客裡有凝思嫩寒薄暮東風拂  
西企猶增雨露悲

見耕者

近甸麥苗萌

皇心驗雨晴井收宜勸相士沃倍經營

北地田畔有井者多

沃壤耕民視地肥  
沃糞溉尤爲用力

田婦提壺饁村童叱犢迎行將



遵海路遍課野人耕

涿鹿行

巡河載頓范水城津指析木茲經行琴高赤鯉雲

外隱

琴高乘赤鯉相傳  
卽於涿水中云

張公坂泉煙際明

涿鹿之  
山俗呼

爲張祥飈兩淀待帆飽

飛黃先試春衢好

上循覽河淀俱御鳳艇風  
恬助順有旨敕建專祠以答

神覬自京師涿水啟  
途信宿則仍陸路也

皇情要以清晏娛守土早誠雕華巧朴淳懷葛近

畿尤樓桑村古耕萌稠茅階撫壁寄

宸賞卷阿幾度薰風畱直沽環環滙

帝澤汜濩元氣歸含收舜典敬稽歲二月水土六  
府歌惟脩

紫泉行宮十詠

敞軒

層軒疏綺挹紅泉卽景詩成慣記年今日初巡觀  
民物熙來攘徃一欣然

屏山

峭壁懸崖一竇通太湖湖石勢玲瓏屏山轉過收  
簪網不喚樵夫便釣翁

鏡湖



鷗起春波雪浪圓問渠何處滙通川  
皇心照徹諸沾水蓄洩因之計萬全

舫室

艮止形同習坎浮坐延澹沲愜清遊

宸襟偶憇猶乾惕石舫思居凜載舟

見石舫記

御製

櫻亭

櫻亭疎敞俯晴郊一把新披勝縛茅聞說左綿皆

十抱龍鱗犀甲費吟嘲

杜甫海棠行龍鱗犀甲相錯落蒼稜白皮十抱文

虹橋

畧約橫空一水長彩虹曲曲動湖光淋漓

御筆經題處髣髴天邊雲漢章

魚骨

青竹牽絲截水潄勤骨懶斷豈無心

勤骨懶斷漁家諺語也

物微猶荷

皇仁愛樂泳江湖忘

去聲金鬻

石逕

犖确通幽步自寧意行登頓有櫻亭一泓春水開  
明鏡寫出蒼苔白石形

竹塽

貓頭犢角漸成叢翠尾輕篩一塽風幽致最憐明



月下迴鸞翔鳳舞虛空

箭廳

當年扈從命臣前內侍擎來賞必懸一箭曾叨

天語賜

上每發悉中二十年前臣曾與張照汪由敦梁詩正蔣溥同侍上語曰汝

五人俱不能射朕爲卿等各發一箭五發五中按簽領賞臣陳羣拜賜物獨多邇來能事

想仍然

雨

二月二十七日

麥隴正需雨千村適報霏密霑偏不驟遍著更宜  
微傍晚竟如約知時實所希昨宵驗纖月離去聲畢  
有先幾

曉行三首

春旗冉冉恰新晴出作村農繫

聖情望杏瞻蒲來趙北無央民數馬頭迎

岸花隄柳導

輿前遠近人家動曉煙百尺游絲芳草地平移

華蓋試輕鞭

風暄陌上陽春布日映林中宿雨含

輦路韶光多入繪鶯花絕似大江南

趙北口行宮卽景

輕程信宿此焉畱三島蓬壺是舊郵檻外羣鷗時



香樹齋集 卷二十三  
出浴堤邊諸淀自環流  
杏腮含雨紅微綻  
草色承風綠正柔  
絕似石湖春  
泛處罷漁斜日網初收

安福鱸

鳳舸遙從潞潞迎  
燕南趙北遞芳程

求安若保春融澤頌

福如升旭展晴境  
是壺中開特地

句叅天上試量評  
從知江國瞻依切  
翹首雲帆望幸情

御舟過廣惠橋

人言楚尾卽吳頭  
瀛鄭之間孰近遠

聖朝施惠自無涯八荒我闡誰非近所操者約所  
及廣探原有術惟端本橋名廣惠居要津來王來  
享皆尊親卽今春巡蒞澤國

指示蓄洩安斯民

恩波來者見爲新沐浴沾濡便成故同在鴻蒙一  
氣中

至人觀化方能悟

淀池舟行襍詠

畿南沽水散枝河誰似淄澠辨不訛蓮渚蘭塘清

派遠

大淀大蘭  
皆淀名

汪洋



聖澤此中多

丹花嶺下發洪源

沽水出塞外丹花嶺見水經註

流入東南故道

存整理隄防時蓄洩耕漁生計福黎元

圓折春流似鏡空汀蒲圻柳澹煙蒙海門翕受深  
流急百谷歸王道處冲

蟹舍漁村水際隣詢民疾苦必

親巡當年大禹勤溝洫今日川原仰

聖人

長桑仁術越人醫

史記扁鵲受長桑君禁方

欄檻臨流剩古祠

天藻畱題尊國手庸醫曷勿盡師之

王申歲臣以疾請假歸里

調治 上賜詩寵  
行有庸醫無大藥句

迤邐

蘭舟泛碧池禽魚飛躍樂無私年年水熟兼秋稔

淀民以魚蝦菱藕爲業不涸不溢則爲水熟麥田  
稻田不至旱澇是在蓄洩得宜利可兼獲數倍

王政勤民務善治

過中亭河紀事

下流達玉帶上接永定河中亭渠本狹包納豈能

多如何開金門

閘名

牝牛肆騰波談河訟相聚悞聽

圭難磨桑土計必豫芻蕘採勿訛決口卽堵築安

流保無他茅簷沾



聖澤乃不虞沉過

瑤篇詳利弊津吏免跌跎舊章謹率由毋被詭言  
訛督河與司土宜各書紳哦

聞京師得雨誌喜

昨朝好雨潤春城

前二日行在得雨

又報霏霏洒玉京到

處民安兼物阜望中柳暗與花明一聲銅雀先符  
瑞千耦農官正勸耕近淀村民多接踵香花戶戶  
笑顏迎

蘇橋雜詠四首

河上蘇橋傳故事

蘇橋別無確證縣志僅載蘇公曾授文安簿河上蘇橋自昔傳

詩二句遂為蘇洵故蹟藍田同記縣丞廳校書猶自畱遺愛

文字勲宜光祿銘

禮書既成奏報未下而洵不及待贈光祿寺丞以褒之可知其

終於校書而未任文安簿矣里人傳會藉名人踪跡以艷其地在有之亦緇衣之微尚耳

居然春曉也相宜

蘇堤春曉為大蘇宦蹟

宦蹟傳家古淀涯

花柳六橋渾不辨是耶非有水仙祠

蘇堤第四橋有水仙王祠

麟鳳爭看遠使為湖山吟夢定於茲

蘇轍曾使遼經涿鹿郡間

寄兄軾云誰將家譜到燕都識底人人問大蘇又北使每能誦三蘇文蓋幽燕之於蘇氏父子耳食

其名重其人與文久矣湖山誰將家譜燕都去姓應夢武林春軾送轍使遼句

字香畱齒頰碑

當年禪榻對清齋軒檻臨流眺聽佳

橋邊僧寺俯臨河淀為往



來使傳憇宿之所臣亦持衡曾訪此葵心今日企增懷

搶風

閶闔風自西明庶風自東順逆本無定舟行盍隨風如何欲速者力挽轉難通

聖人察物情題詩誠矣庸順逆守忠信庶涉波濤中

文安堤工

豐利

文安卽古豐利

故釜底潦積虞轟厯重光紀攝提秋

漲漫口開畿南迤畿東偶以溢告災撫賑

詔旋下貸種施厚培水紋與得勝

文安二淀名

醲闔浩

蕩皆

是歲秋潦稍盛瀕河低窪毘連數邑撫恤均霑賑貸普被而文安以水溢漫開發帑興脩

長堤繼築居民永資扞衛頻歲鳩工薪旣屬大舉頗獲有秋叨恩尤爲獨渥

菱隄排長堤亘千里蜿蜒堆崇垓功成答神貺歌

奏萬福來

帝臨樂熙阜識事書康哉

恭依

皇祖閱子牙河詩韻

蕭蕭蘆荻樹叉牙漫說當年呂尙家土築爲牛多  
擁岸河流如箭自排沙茅簷野老香炊餅小艇村  
童戲捉蝦法



祖巡春

親閱視太平風物望中賒

格淀堤至臺頭西南而止命接築至千里長堤

因成是什紀事

觀河防海土功治

悉經

上四幸江浙河工海塘  
脩畫早奏安瀾

畿

輔今來一視之要障渾流接千里

命興長堰及春時利規久遠因民便工集歡呼計  
日爲從此家家慶安堵子孫永賴豈嫌遲

於臺頭行館作

數楹不日起河濱

上爲勤民民亦勤遵

祖由來昭儉德巡方敬戒事華紛地臨爽塏騰曦  
彩水愛澄清靜縠紋檻外風光春爛漫仰看霞綺  
自成文

清源堂

軒楹新構淀池潯小憇蘭舟此一臨

布澤三春承

祖德

畱題兩字揭官箴晴波漱灩清如許遠勢瀾漫源  
可尋治水真堪通治道相期端本體



皇

水緯

莫謂船行方法無蠓蜒夾引泛晴湖

禹乘舟沿水兩龍夾舟而

行視之如蠓蜒也

濟川齊力非難也利涉偕行其庶乎雙

導衝波如鹿角

西湖有鹿角船頭如鹿角故名

兩行破浪似蝦鬚

由來蓬轉通舟楫鳳翼龍鱗要共扶

協性齋

璇題顏協性

寶翰貯名齋自有智仁趣况兼風物佳憑軒親卷

帙覽景暢

宸懷明月晚來照春燈底用排

滄波樓用金山遠帆樓韻四首

髣髴重登浮玉山雲霞縹緲去仍還李將軍與仇  
英筆多在蓬壺方丈間

綺疏面面受春風踴躍真成不日工縱少千枝燈  
動宕水光活潑也相同

滄波楹檻俯清流野趣無心亦自投定有神仙空

際遇此州原是舊瀛州

天津向隸河間瀛州河間郡舊名也

蘭舟幾日閱陂池幅幅圖成橫卷披宣洩詳求勞

指示



皇心軫念特憐之

句加

御製有宣防難措是斯州意審慎畿輔水利燎如指

掌遵

旨善治備之豫貽之安矣

上已

省方當禊序水際興非孤縱少崇山勝還宜緩吹

娛依依漾垂柳拍拍導輕鳧五度逢今日佳遊致

不殊

臣記年時扈從逢上已凡五度在山左濟南者一在浙江西湖者四天

得隨豹尾後深用耿仄

寫盆梅一枝戲成是什

墨光香沁一株梅不用傳宣松竹陪

天縱多能又餘事化工在手亦奇哉

水營

袂節初過序

雲旌尙水濱洩宣覘五閘風俗問三津  
蔀屋欣同樂

蘭舟好貯春明朝有

恩詔太史記時巡

題望海寺二首一韻

柳枝出水光明相自在應知本自然  
佛力自能成佛願普沾萬萬與千千

觀海先



題望海寺未然却卽是當然從今更兆豐亨象歲  
歲年年取十千

至天津策馬由府城觀民閱河遂至行館駐蹕

天上星垣析木津衛陞而府府城闡

天津本名衛由衛而縣而

州而府今爲畿東南劇郡城亦甲於三輔諸郡

堯年

舜日風如一民志

皇衷分外親煮海生涯多皞皞近畿人物本循循

爰知

睿慮還敦朴訓示諄諄期返醇

命免天津府屬積欠銀穀並及直隸通省積欠

銀穀詩以誌事

法

祖舉巡典四至惠南國富既可藏民盍勿緩民力  
新詔及三輔遍予以封殖豈惟貧者感富者感欲  
泣富者謀蓋藏貧者免乏食茅簷與官府一視更  
何惜

偕樂堂

孟義

皇情契嘉名



錫此堂歡聲騰兆姓仁澤遍羣商熙皞春臺樂從容化日長

翠華偶此駐念念及農桑

播醇齋

萬縷金絲柳依依傍水濱書堂同罨畫鱗隰乍鋪勻麥隴初鳴雉蘆汀隱釣輪醍醐比

聖澤億兆飲和醇

五閘

蓄洩因時異輕潮亦偶通民知歌

帝力人亦代天工柳外遙村隱堤邊春草叢周廻

觀五閭源委庶能窮

清宴堂

河清與海宴拱衛

聖人居壤擊來深巷漁歌動遠墟熙時原有象  
蹕路不須除見此昇平樂

皇心益勉予

微雨

三月初六日

望雨春時節霏霏勢更佳

九重吟意動四海此心皆蕤蕤麥添色欣欣草潤  
菱柳邊鳩婦喚亦可憫



宸懷

海神廟瞻禮述事

巡典初臨海春旗瞻禮伸豐亨占上瑞清宴仰

明神出海光常現依人示有真

左傳神依人而行

璇題碑碣在靈貺永安民

殿前有

聖祖世宗御製碑文

觀海臺觀海作

朝宗會極淀連沽屈曲春流赴壑紆握要歸閭通  
奧闡積靈元化蘊珍符漁人撒網乘潮遠賈舶多  
裒幸颶無况是雲帆粳稻便洪濤中有蕩平途

瀛裔

海墺瀛裔亦蒼黔巡海因將方法規

曬鹽法見御製詩注

生計熬波遵暑路大官循例進飴鹽

鹽惟長蘆得味之正周禮

天官飴鹽長蘆所產

傳家出素風濤靖足國輸枕寤寐恬一

自蠲逋同拜賜

皇仁斥鹵亦胥漸

### 曬鹽場

沙戶生來慣習勞沿灘什伍自同牢霜飛當暑將

成鹵日曬凝波遞出壕要禁侵牟規重利仍寬孤

寡許輕挑谷王此際應歡喜少海

親看第一遭



閱武

萬乘初臨此元戎列仗過鼓闐雷欲動鉦靜海無  
波墜引還如鶴行分復似鵝移時行賞後仰見喬  
雲多

海光寺

海壖古刹荷

恩慈聞說潮音信復疑初地曾遊逾四紀水官賡

韻記年時

臣於乙未下第後客津門時海光寺初  
成寺僧湘南邀臣作詩落之因用蘇洵

水官  
詩韻

西沽二首

白河漕潞諸流合滙入津門沽水中相度機宜惟  
善導由來轉漕萬艘通

禮成

雲罕便回鑾被澤羣黎曉聚看爲憶攀留

南幸日西湖平望與江干

閱筐兒港減水壩

古港臨回蹕穹碑

禹績垂漕

去聲

河千載利刻玉

一遊時

利者悉已

上親臨河淀相度凡有關於堤防水  
得其要領如王家務興濟等處

皆宜洩有方永垂利  
賴不特筐兒港然也



詔令灰工築

五丈以護排樁

功同坦水治

水以導其

勢使平緩為護堤上策浙省海塘

用坦水茲敕脩坦坡義實相同

機宜頻

指授爾牧勉遵斯

所脩諸工皆一一詳為指授

南苑

春滿郊原路回

鑾試一蒐吟多思更富騎穩草偏柔貫札精神注

臨池翰墨畱

善書還善射臂腕力雙道

問和親王尙能馬射否辭以臂病因成是什誌

興

我

皇神武姿絕藝驚百爾秋獮記當年講武必來此  
付託子臣民手足敦兄弟恭吟

問射詩和氣霽

金祀克艱有前訓心力勞難委王其敬體之坐享  
昇平矣

卽事雜詠

畿近春巡早報成浹風物紀輕程歸途小駐神  
仙地鶴鹿禽魚自結盟

三驅



文囿展戎儀芳草和風動遠陂射法

至尊親訓示免置詩賦太平時

盛世休徵節雨風杏花菖葉恰春中預爲蔀屋祈  
年計念切民依未釋忡

淤沙漸滿近郊河疏滌從教利益多鏡面凝塵重  
拂去澄明快見湧金波

天章流露皆天性高出三唐兩漢間每記卷阿賡

和處彌慚思鈍句塗刪

上於幾暇吟詩思若  
泉湧妙合天然臣海奉

敕恭和構思拮据勉強下  
筆猶改易數四始能成章

小駐離宮信宿移言旋恰值暮春時

皇程自法天行健啟蹕回鑾總豫期

巡方返蹕至暢春園問

安之作

津水

鑾回早

慈幃敬問

安和風春正麗淑景靄承

懽二麥香浮隴諸沾水帖瀾

萬年枝上露瑞氣自團團



（The main body of the page contains a large rectangular frame with multiple vertical columns, which are mostly blank or contain extremely faint, illegible text. This appears to be a placeholder for a table or a collection of vertical text columns.)

香樹齋詩續集卷二十四

嘉興錢陳羣集齋

方問亭宮保七十初度卽用宮保戊寅八月

舉子誌喜五言律四首韻爲祝

賡詞纔脫草盥手付賓郵

時奉勅恭和御製津水早春詞及

幸天津詩七十餘首凡一月告竣遣家人齋送熱河行在恭進王帖臨初愜年

政七十見王帖陳羣八十初度蒙恩賜詩有王帖一旬又過之句蘭泉香正秋降

神尊列嶽錫馬拜康侯他日屠蘇會當筵讓一頭

况示無多語殷勤深復深數行衰老墨千里故人

心要解吾民愠因之入



舜琴廿年留憇茆到處愛棠陰

六十生兒好十齡讀父書箕裘知紹述高大想門閭毗倚

恩逾重勤勞慶有餘由來無不報信此獨深予

代言時往復引緒日綸紛君以虛能受吾爲誦所

聞積誠方可格邁德庶相薰二句一以事一以化民言上自

笑拋鋤鍤徒然說刈耘

九日集愛日小樓書懷記事一首

膽瓶點綴菊花開小閣清虛傍水隈角里臣居諸

子侍

立齋名夏宁青立亭兄弟俱侍坐

和門

天所列仙陪鴈鴻有約

鈞韶下

初八日頒到山莊御製諸

什命臣恭和

風雨如期節候催

昔人呼九日爲風雨節

塞外早寒

畋事竣五雲深處憶鄒枚

近得耐圃大司農從行在所寄劄

吾郡長豐角里二坊親串世講廬井相接立

齋兄弟與予往來爲密昨過立齋齋頭知爲

三十初度留供雞黍座客皆坊人也請予作

詩題此爲贈

長豐角里接東城三筆聰明悟夙成要傍屏牆爲

弟子也嘗苜蓿作先生帶霜白菊深秋後啄黍黃

雞近局情甘谷分流環小閣每扶賜杖望長庚



再用謝惠連秋懷韻示誠兒

昔人亦有言識字始憂患我生縱滿百忽驚年歲  
晏良時多遭逢偉業寡烜爛嘉彼在藻魚感茲依  
雲雁宵寐違觚稜晨會同幃幔精力雖就衰臨履  
敢云半驗往笑翻碁知來誰布算執雌洵莫踰蹈  
妄懼滋慢萬石墓前脩七穆豈終宦敦詩風自醇  
學易占可玩戀

主秉丹忱懷人托清翰杖履賴扶將卷軸任零亂  
倚阜猶識途鳴岡實司旦守約義取貞抱闇道終  
煥要令敬者親自致羨者歎相勉復相期四海一

情串

恭和

御製幸避暑山莊詩

恭奉

皇太后幸避暑山莊御園啟蹕之作

郊圻雨足喜新晴

蹕路清風罽旌祇奉

安輿先路導政頒秋獮順時行近巡每歲無非事

特典如常是薄征遙企初程怡

睿賞山容樹色有將迎



遙亭行宮晚坐

省歛歌傳婦子經晴郊共仰

翠華停周廬地濶橫煙紫芹嶺天高挿髻清淺草

鋪茵花點綴晚風刷馬珮玎玲

李賀詩珮馬玎玲踏沙路

西成

有象真娛目萬彙由庚祝

惠寧

出古北口

萬柳成林罨近關

柳林距古北口三里

新秋露淨谿孱顏雲

依馬首華芝蔭草覆羊腸

河名

碧玉彎

范成大詩溪廻碧玉彎

天驥飛騰健似龍嶺廻畱幹

古北口一畱幹嶺名

古提封廿

年前記曾陪扈

臣憶忝列扈從至今將二十年矣

雲鍵晴占瑞氣

濃

塞垣景物都成聚表厥風聲署樂豐數遍涼亭舊

時驛關山如畫愜

皇衷

元時設涼亭於此明洪武間改設古北口曰東涼亭

兩間房行宮卽景

廣大

宸居屬兩間紫垣一粟接通闕鷄豚喧雜村中市  
屏障煙嵐檻外山組甲爭輝傳虎旅威弧角力霽  
龍顏太平邱井勲堪策較閱



幾餘未覺閑

古北口提標每於陳習武事

上親閱焉以次行賞

青石梁

樹色見秋還藤蘿古磴攀波恬知度馬磬折爲行  
山旭日澄天際紅雲近

聖顏同名有台嶺飛錫不知艱

浙之天台山亦有石梁飛瀑唐僧貫

休曾偃坐於此路極峻峭

至喀喇河屯卽事

鷹摩鵬落遠沙平泥首名藩早見迎

恩諭寬期真異數遠來就

日本丹誠塞垣歲熟無蝻子

水不生蚊地不生蝻塞垣風土最勝處也

遼海秋空起雁聲  
雨過羶廬如列屋  
柘黃旌颺柳梢晴

灤陽別墅

潏灔接銀河  
秋風柘綠波

柘綠魚名  
灤河所產

飛梁

清蹕度疎雨  
拂林過松翳  
杲愚密禽諧  
律呂多芸牕  
閑覓句  
萬籟入吟哦

至避暑山莊卽事得句

嵯峨雲嶺百千鬟  
清暑蓬瀛遠世闌  
按晷

宸遊繩

祖武緩程秋閨駐  
靈山氣調玉燭西  
成候景繪幽



風旬服間

幾暇對時閑羽衛松姿鶴韻好

怡顏

秀起堂

巖半結深秀奇峰倒景懸綺櫺含爽氣香案濕晴  
煙雪色林眠鹿金光地湧蓮壺中真意在

睿賞寄瑤篇

出麗正門恭迎

皇太后至山莊卽事得句

山光環翠拱

宸居麗正門開迓

鳳輿愛日頤和承至樂祥雲馥郁仰

眞如天呈圖畫

慈顏豫秋洗川原景物舒自有清香來鷲嶺早敷  
新桂映瓊疏

清舒山館

山明水淨奉

那居林外丹霞入綺疏清暇

幾餘惟見道舒長時對亦攤書香縈花藥階墀繡  
籟起笙簧洞壑虛披拂



宸襟有微會摘毫伸紙一欣予

松霞室口號

新松他日欲拏雲舊松昔日曾盈把不分新舊樹  
如人多是親承

雨露者攝山九株盤中萬同時一笑問董啞

毘陵董啞

子南唐人善畫樹石

處暑日雨

七月廿九日

夏序物性成

見邵雍皇極經世

將歛欲寧處今晨斗指申

漢書律歷志處暑斗柄指申

驅暑仗飛雨雨好惟知時陰晴各

得所

天心靡勿周重農恤遠旅

元韻云益欣利晚田兼弗厘行旅仰見

皇心邇不泄者遠不忘也茲者欣塞田慰徒旅則九州之豐歉萬里之勤勞卽在宥矣恭讀者當

知蓐收西北流頓轡灤之滸星虛見正初塞雁來

亦甫獮政行待時松巖陟遠岵

### 題和闐玉應真觀泉圖

靜中止水卽飛泉火上空花似吐蓮勃律遠通離

垢界

杜甫詩勃律天西采玉河

茶毘悟徹再生禪神通未要光

明露具足還因閤澹全誰向淮南辨真贗無言調

御自悠然

淮南子鍾山之玉炊以鑪炭三日三夜光澤不改

晴



宿雨收林薄晨光豁岫雲會心如有獲卽事亦多  
欣地靜饒幽趣天高淨遠氛鹿鳴兼鶴舞不雜衆  
音紛

玉岑精舍

仙居署玉岑

幾暇乃一到或步或肩輿曲曲斯領奧一泓不可  
唾衆皴自呈妙紆迴得坦夷綺錯引幽微

西京賦  
微道綺

錯塞草燦堂隍水樂會林窈

清賞愛三餘秋意供詩料任取若爲期天遇何曾  
約

題春好軒

軒名春好見秋晨景物圖書爽更新地設奧區依  
紫塞天畱仙館駐長春悅心不借絲絃沸觀化因  
知飛走馴好處何妨多領取且遲卽鹿事秋巡

千尺雪二首

雪噴飛泉挹注常凡夫好事有傳方

寒山千尺雪  
趙宦光所構

也灤河直上應千尺流帶先秋柳葉黃

海眼何曾著點泥環環曲曲自成溪平鋪真比瓊

瑤色

御筆畱題井幕西

龍井白沙泉爲西湖之  
勝上賜題最多



荷二首

田田不異液池濱  
露洗風梳自有神  
晚艷得蒙天藻賞  
影涵秋水綠於春

百頃澄潭十丈花  
水精鉢裏現毘耶  
團團月面真如悟  
雨散諸天作晚霞

午熱

婪暑駐晴莊曦車  
軌運常塞雲多帶  
紫日氣覺微黃薄  
篆初浮檻輕颺想  
襲裳河流原不定  
蓬島早迎涼

曉涼

地塏秋先到朝暾已覺涼驅炎莆獻箴薦爽芟舒  
裳閭闔開晴霽山川入鏡光夙興勤

視事暮靄浥旂常

移樹

豫章雜櫟櫟尋尺好移植遷使遠華離

周禮華離注曰汚下

地也栽欲去阡塞端須根株疏勿使蓐莽匿綠陰行  
見成赤日無由逼譬之載道文亦比輪轅飾神膏  
澤奧區得地天亦得

捕魚戲言

禁網湖內魚入網湖外魚魚遊湖外湖復樂湖內



湖出湖旋入湖乃渤澥孟諸

子虛賦遊渤澥浮孟諸

鯢鮪滋

蕃育醇化溥唐虞扶搏任變幻何慮涸溝塗漁師

偶一命

示以仁惠娛

漢書創道德之囿宏仁惠之娛

天地德曰生感物來

鄒吾

山海經林氏園有珍獸名騶吾周禮疏作鄒吾即騶虞也

永恬居

星斗森環宇

龍章采炳檐

文謨昭法守

聖孝契怡恬鶴舞虬松頂雲封翠嶠尖祇承

羲畫在味永義深潛

肩輿至創得齋憇坐得句

迤邐金支碧漢西重岡複澗試登躋天畱畫本清

秋寫雲似堯民曲徑溪

臣曾恭進唐張南本所畫華封三祝圖內有老民跪

迎雲竇間卽獻祝人也

松色欲分山色秀泉聲時雜雨聲淒

高齋勝賞多新得創義惟憑

睿藻題

山心精舍

山心靜處會

皇心翠景嵐光自照臨醞藉



新詩古且澹商量學問密而沉深雲母瑱傳清唳  
遠樹迦陵送梵音如到匡廬揖五老靈區那有一  
塵侵

綠雲樓

松密榆高榭葉紛層樓峭蒨恍凌雲綺疏曉啟陰  
如染碧瓦晴浮色未分千疊峰巒畱黛影四垂簾  
幙湧波紋依稀

翠罕西湖駐春柳鶯啼處處聞

西湖兩堤春柳新  
綠如染柳浪聞鶯

勝處尤

種塞花

晚花生塞垣有若士處野幽姿多傲霜采之不盈  
把移根植

仙圃雨後趁清暇或依瘦石罅或傍松陰下異卉  
固所珍小草亦勿捨借以寓栽培此致亦瀟灑秋  
花本難老誰爲後凋者

濬川

種花花吐姿濬川川不壅上疏下無滯自致渠鴻  
溶小試畚腴勞泥脚衆土擁洎乎不日成汨瀾秋  
波湧樂此者維魚鯽鯉魴鰈所產什伍如子來  
工作無須董



山雲一首

豁訝瀕洞膚寸出倏忽變幻亦奇矣問之山神神  
不知曰本無心一來此偶占雲物

聖人情非霧非煙差可喜

新月

流雲碧空歛纖月來清光弓懸復瓦偃

占雨說月如懸弓少

雨多風月如偃瓦不求自下

未合土鼓匡

周禮春官籥章掌土鼓豳籥注土鼓以瓦

爲夕涼禁鐘動延賞開深堂新月引

新詩幽致兩足償輝方影圓句刻畫陋沈郎

沈約詩方

輝竟戸入圓影隙中來

清閒口號

偶然

幾暇得清閒悟徹危微樂孔顏恭讀滿能招損句

格苗虞績會其間

滿招憂亦在其間臣恭繹之下仰見

元韻句也幾餘清暇

念及損益之由默被誕敷之德兩階干羽來格七旬行見緬匪草心敷德班師自可旬日計者也

雲南巡撫鄂寧奏報二麥有收詩以誌慰

民天爲國本足食可使兵卽今南詔遠

睿慮之所縈守土報歲稔萬里無遁形因時復度  
勢自致邊徼平雲集隣境粟尤需本省杭軍實兩  
皆備不日奏武成攻匪貴用謀扼要機智增山谷



如聚米攻勦可長寧

西峪

山隨徑轉西薦爽於此遇皴石隱丹青響澗戛雲  
護無事徵夏諺斯遊呈一豫颯颯風送時淦淦雲  
生處未獲

蹕罕隨賡吟但遙慕

食蔗居

啖蜜混中邊嘗蔗惟探本行到山盡處蔗境不在  
遠顏以食蔗居

至人寓深蘊陟奧始豁然曰近原非近觀理惟推

暨蔗境可默準

鷓鴣

烏鬼與白鷺均所弗中鵩一良而一匪出沒河之

潯二鳥同羽族贈弋皆勿侵恭讀

鷓鴣篇感臣昔吟襟

烏鬼白鷺同爲水鳥一則清

咏鷺有瘦因辭彈射逸可遠樊籠句而未作鷓鴣

今恭讀

御製仰見

聖心扶善嫉惡雖羽

族之微不少寬假真

殲之以去惡幽叢難藏深豈

獨全水族吐氣在林禽殄一以扶衆枉尺可直尋

且勿計多寡丕哉天地心

卽事



稼穡祈康年厘念

宸衷早守土擔其職先後以成報七省旣輪蠲閭閻盈萬寶

九重恤民心揭示昭若曉偏灾近江濱暑雨偶成潦王政無向隅行惠詎遺小仰荷

覆載恩賑撫起流殍臣居鄉里間景物見美好賡歌答唐虞太平瞻

有道

鶴二首

來或翩翩去或颺仙禽只合在仙莊生依

文園無他慕終惠惟知飫稻梁

逐飛鴻鳴野渚寧隨蒼鹿上巖椒脩容常學山  
鷄舞潔白心從鏡裏昭

晴

昨朝雲容淦淦垂今日雨脚行收盡默念雨時暘  
亦時林際懽聲鵲相引斷壺剝棗村舍忙一望黃  
雲曝畦畛民食今年迄用康

皇心惟時若茲允由來肅乂重休徵益凜勅幾夙  
夜謹

做晴齋



陽陂路轉陰崖隈豁然四啟開晴齋

宸襟要與名理會山色自送清風來勝地經旬始  
一到

幾暇憇坐誠佳哉昨歲

璇題耀丹壁琅玕芝草香光迫喜晴重續望雨詩

旨啓

天心順所適

繪韻樓

高樓罨如畫締構得妙韻人工奪天巧摩詰真後  
進形勢無端倪一氣寫神運松吹來層空嵐光幻

奇峻臣家什襲珍壽石含清潤

臣所寶藏 恩賜御筆橋梓圖

敬壽貞珉凡來拜讀者無不欽伏嘆爲見所未見多能仰

生知落墨見天分

泛月作歌

月不與秋期湖亦不與月相約

去聲

聖人乘秋夜泛乃自與月成遭逢况當今年七月  
閏青銅兩度磨出高挂湖當中是時塞垣諸峰各  
各浸清魄湖上亭館一碧掩映呈虛空蘭舟命榜  
迤邐進佳境次第曲曲輸清供蓬萊方丈應接在  
眉睫水月互映倒插金芙蓉鹿鳴鶴唳音雜萬籟



散空際松濤隔水相和曲奏如玲瓏此間風月山川和會競獻秀

宸居結撰天造非人工月照水而愈澄山遇秋而益爽捨舟而陸浩然風露又見一輪明月隨花驄策馬

省歛當幾暇維魚占若何老農家室聚樂歲笑言多菜熟沿村鬻豚肥上市過有年呈馬首還命薄徵科

夜月山遊四首

待月東山夜景遲瑤臺仙子一招之須臾捧出光

明鏡下界紅燃蠟炬時

何妨秉燭事遊觀旌旆輕颺接廣寒衆皴秋山多  
入畫一灣明月自隨鞍

桂子曾從靈鷲拾銀槎嘗與水仙逢恭吟

睿藻欽詩格直上蓬萊第一重

風露珊珊碧樹浮呼名山鳥亦嚶呦秋山更比春  
山爽況有冰輪助夜遊

桂

獨秀幽岩色迎秋細蘂芬月中傳早發

天上有真聞清籥常教領微香不待薰木樨叅隱



義妙悟欲何云

用黃廷堅與僧晦堂詮釋問答語

重葺獅子園落成奉

皇太后遊覽詩以誌事

舊締園林重治之

甬階礪礪琢溫其垣墉祇仰

貽謀善堂構重遵昔制爲樹木風煙縈瑞氣澗溪

洄洑湧神池竹苞松茂

慈寧福長奉

觀遊展

孝思

登四面雲山亭子作歌

蔚藍天宇晴光晶  
秋日登臨覺秋好  
雲生幽澗湧  
濤頭黛掃中峰出  
林表翠華直上最高亭  
縹緲人閒仰

帝庭河漢西流虛  
繚白鴈鴻南去遠  
縈青閑繙新誌  
開山面塞外諸峰可遞按  
歌成半晌眷皇情  
回澗琤琮水流慢

遲鹿

遲鹿非卽鹿幾餘一  
寄欣渡溪香帶草伴石冷眠  
雲遊爲避人遠鳴因求友聞當年



文園樂咸若總無分

紅葉二首

年年秋彌嶂雲青落葉都從馬上聽今日題詩贈

紅葉鍾峰峰外數

上聲星星

誰把春花比並紅  
臙脂一抹未曾融  
夜來村落微霜後  
曉望千林便不同

卽景

朝涼夕爽句隨拈  
賞攬風光致未厭  
松倚巖扉聞子落  
麝眠苔徑覺香添  
山中鳴鹿行將哨  
塞外溪魚冷欲潛  
妙理每從遊處得  
對時育物總能兼

題長水讀書圖

有序

壬申秋予蒙

聖恩予假歸長水先後爲兒女輩辦婚嫁事第六  
女汝玉自幼許字蜀安居王樓山中丞幼  
子汝璧中丞身後蕭然貧不能娶聞予懸  
車汝璧侍母及其兄汝嘉并蒼頭僕數輩  
來詣予蓋欲就婚敝齋且請予肄業顧舊  
廬偏仄無托足處爲覓附近數椽諏日令  
六女完聚汝璧兄弟篤守先訓力學不怠  
予亦時加訓迪不數年而學大進汝璧以



丙戌科成進士分吏部銓曹汝嘉於乙酉  
科領蜀闈解元丁亥秋汝璧乞假省母期  
滿奉母及六女北上屬陳生俞作長水讀  
書圖以識學問所自予愧不敢當特念予  
與樓山中丞同館友善沒後遺孤露二子  
未三十年而見其成立予藉以復我友是  
可幸已

二子來自蜀笥束數卷書奉母七千里叩我長水  
居我時方示疾優詔歸田廬老宅未補葺卑湫枕  
城隅百口分間界置榻如懸斂忽聞遠客至倉卒

謀須臾賃房取近側數椽依范湖料量及斐几摒  
擋瓶與甌計分鄉俸粟鹽鼓通清厨二子竦然敬  
長跪尊範模予曰爾無庸是誰之責歟予素抱微  
尙種樹猶區區矧茲平生交忍此孤露且諏日開  
講席雅雅而魚魚謂是勞遠涉吾姑示之麤如乳  
方點酪瑩潤融醍醐談經叅妙理領奧遺皮膚風  
騷識廣大齊力相步趨猛省試以難軋軋抽夙儲  
人百而已十猶愧已不如窮我架上籍亂髮供爬  
梳聯翩貢太學季也騰天衢阿兄後三載賓興領  
蜀都季昨魁南宮清要傳家譽

樓山中丞由翰  
林改銓部掌選凉



秋攜眷北檣燈明舳艫予重別愛女拭淚憐屋烏  
自慚六一老結契於三蘇曩銘明允墓宿草居諸  
徂衰齡見二子業成同璉瑚文章枝葉耳執德爲  
根株幸際 文明代制作追唐虞盈廷列衆正受  
益惟衷虛乞憲贈令言其毋忘厥初

輓范松岩司空

潯南一曲碧環環耆德云亾不可攀弱歲拾芹聯  
泮水衰齡

賜杖接香山

辛巳冬予與先生同拜

賜杖懷人席冷絲桐撤

眷舊恩深玉醴頒淚灑西齋成獨立那堪梅雨正

潯潯

泛舟訪祝孝廉明甫不值因題一首

丁字橋邊泊小舟到門涼月正當頭  
盆花傍广香仍襲隣竹過墻翠欲浮  
奉母人傳通德在移居家具賜書畱  
擘箋擬作銷寒會還許盧仝雪夜投

冬日招商別駕雲笠祝孝廉西澗從孫椒岳  
小集樂順堂分韻得門字

吾衰今見爾洛學有根源正則分詩派  
清才蘊藝門平生微尙在珍重一言存  
盛世資良牧誰將悃幅論



春帖子

茂長年華盛滋培土穀昌

戊義取茂子以滋培稽驗律書干支皆符嘉應

八風調淑氣三素正農祥

芳信頭番遞玉梅蓼蓼臘鼓似春雷早傳夜雪擒

元濟爆竹聲中報捷來

寶勝銀旛麗紫霄

歡承彩舞進雲韶韶年添得

慈顏豫蕃衍春屏慶頌椒

今秋恭聞誕毓曾孫之喜


皇上有

主春秋方富祥衍孫曾

介祉璇闈慶綿五代足徵福德兼備云

呈太后

聖





春帖子

茂長年華盛滋培土穀昌

成義臘子以滋培土穀昌

八風調淑氣三素正歲時

芳信頭看遞玉梅萼萼臘鼓似春雷早傳夜雪摘

元濟爆竹聲中報捷來

寶勝銀幡麗紫霄

歡承彩舞進雲韶韶年添得

慈顏豫蕃衍春屏慶頌椒

今秋紫閣  
延福宮孫之昌  
皇上在

主春秋方富祥衍孫曾

皇太后  
介祉歲開慶緒五代足徵福德  
衆傳云



